

M081A: Seckauer (St. Lambrecht) Gebete A

105r,5 Ich bit dich herre durch ditze wihez
105r,6 und liphaftigez unde ewirdigez
105r,7 tovgen und durch die micheln
105r,8 craft dines heiligen lichnamen
105r,9 und dines heren bluotes daz uns tagelichen
105r,10 woret und trenchet daz uns
105r,11 luteret unde rainet und uns hailich
105r,12 machet unde uns tailnuftich machet
105r,13 der ewigen gothait gib mir

105v,1 herre dine hailige tugende ervulle
105v,2 min herce mit den waren tugenden
105v,3 daz ich mit lietheme sinne unde mit
105v,4 luterem hercen gen ze dinem tiske
105v,5 muozze unde ze dinem uroneme altare
105v,6 daz ich dich himelischiz hailchtuom
105v,7 also enphahen muoze daz er mir werde
105v,8 ain warez hail und der ewige lip
105v,9 want du uns also herre gehaizzen hast
105v,10 "Daz prot daz ich gibe daz ist min
105v,11 fleiske und min pluot durch dirre
105v,12 werlt leben der mich izzet der lebet
105v,13 min er ist in mir unde bin ich

106r,1 in im ." Aller brote suzzeste heil
106r,2 den guomen mines hercen daz ich
106r,3 innen werde unde uerste der suzze
106r,4 diner minne . Hail herre min
106r,5 herce von aller slahte sere . daz mir ivwchte
106r,6 smeche oder suzze si . wande du aller
106r,7 brote wizzest du hast die ewigen
106r,8 suzse und den hailigen smach du
106r,9 uns z allen ziten acist vnd din doch
106r,10 niemmer zerinnet . min herce
106r,11 muze dich ezzen mit der suozze
106r,12 dines smaches werde min herce
106r,13 unde min sel ervullet unde gesatet

106v,1 Dich izzet der engel mit vollem
106v,2 munde der ellende mennisk der
106v,3 ezze dich al nach sinen creften daz
106v,4 im niht gebrest an dem wege dirre
106v,5 vuore scol er leben . Heiligez prot
106v,6 lebentigez brot du der chome von
106v,7 himele vnd gist der werlt den ewigen
106v,8 lip chum in min herce vnd raine
106v,9 mich uon aller slahte ubel
106v,10 des flaisces unde des gaistes chum
106v,11 in min sele vnd mache si heilich
106v,12 hail si uzzen und innen wis
106v,13 min huote unde min schirme

107r,1 wis ain ewigez hail mines libes
107r,2 unde miner sele vertribe herre
107r,3 uone mir die uigint die
107r,4 mir lagent sin vertribe herre
107r,5 si uon der gagenwrte miner
107r,6 rivwe daz ich uzene unde innen
107r,7 also bewart si daz ich an
107r,8 deme rechten wege uolchome
107r,9 hine zu dinem
107r,10 riche da man ez nith
107r,11 beget mit tovgen
107r,12 dingen also hie da wir gesehen
107r,13 sulne mit unsern ovgen din antlutze

107v,1 da wir dich scowen warliche
107v,2 also du bist so du herre vat'
107v,3 unde goth in dineme riche gesizzest
107v,4 so du z herre allez wirst
107v,5 in uns allen unde du erskinest
107v,6 in uns unde uns alle verwandelost
107v,7 an dich so gesattest du mich
107v,8 din . mit aner wunderlichen
107v,9 suzze so bin ich sath uone
107v,10 ewen ze ewen so gedurstet
107v,11 noch gehurgent
107v,12 mich niemmer mer AMEN
107v,13 Lamp des almahtigen uaters

108r,1 du der chome uon himele unde
108r,2 name die sunde dirre werlt
108r,3 min herre . nim min' unreth unde
108r,4 mache mich des wert daz ich gezalt
108r,5 werde under dinen diernen
108r,6 unde hilf mir daz ich hiute

108r,7 dinen hailigen lichnamen enphahen
108r,8 muoze niht z eineme flore
108r,9 und z ainer urtail . sunder hilf
108r,10 mir durch willen miner vrovwen
108r,11 sante MaRieN und aller diner
108r,12 hailigen . daz ich ez enphahe . ze
108r,13 antlaze miner sunde Min frovwe

108v,1 sante MaRien mit allem himeliskeme
108v,2 herie si mir wegente
108v,3 daz mir vil armer unde bewollener
108v,4 mit michelen sunde dirre
108v,5 heiliger lichname unde ditze
108v,6 bluot vronez werde ain erzentum
108v,7 vnd ain antlaz miner sunde
108v,8 lebentigez brot warez brot
108v,9 der engel lieth und leben dirre
108v,10 werlte herre crist erliuhte die
108v,11 uinster mines hercen daz dirre
108v,12 here lichname unde din hailigez
108v,13 bluot si mir ein heil vnde

109r,1 ein licht mines libes vnde miner
109r,2 sele . Herre ihu xp-e hailare
109r,3 allere diete urlosar dirre werlt
109r,4 du bist ain barmhercer gnadare
109r,5 unde minnare alles mannechunnes
109r,6 du hast genuch dikhe vertragen
109r,7 mine sulde unze here
109r,8 nu lob ich dich herre unde gere
109r,9 ainvaltichlichen diner genaden
109r,10 daz du mir ruochest
109r,11 ze helfenne durch willen aller
109r,12 diner heiligen daz ich mit
109r,13 dire engelisker wur und mit

109v,1 disem himeliske- brot daz ich hiut
109v,2 gerne enphahe daz ich da mit erweruen
109v,3 muoze den ewigen lip
109v,4 ameN . Herre got erbarme dich
109v,5 uber mich durch die here geburt
109v,6 dines sunes unseres herren ihu
109v,7 xp-i daz er geboren wart in dise
109v,8 werlt uone sante MaRieN alleme
109v,9 manchunne ze troste durch
109v,10 die selben gnade uertilege herre
109v,11 min unreht und brinch
109v,12 mich zu den ewigen wunnen .

- 109v,13 dar er uns geladet hat mit
- 110r,1 siner martere und mit sineme
110r,2 tode . Ich bite dich herre durch
110r,3 daz urone tougen dines heren
110r,4 lichnamen und dines bluotes daz
110r,5 du minen lip und min herce
110r,6 nivwest und rainest . Gib mir
110r,7 daz ich mit diseme heren lichnamen
110r,8 in dir beliben muoze und
110r,9 du in mir uerliche mir herre
110r,10 daz ich an miner hineuerde
110r,11 dinen heren lichnamen und
110r,12 din bluot wirdechlichen enphahen
110r,13 muoze . Heligez opher
- 110v,1 herre got du hast diu wort
110v,2 des ewigen libes wir wizen
110v,3 und erchennen daz du bist der
110v,4 helige crist der ware gotessun
110v,5 nu sihe ich herre des ich ie gerte
110v,6 des min herce ie gerte daz han
110v,7 ich din hailigez flaisk und
110v,8 din bluot han ich enphangen
110v,9 willechomen aller fleiske
110v,10 heriste aller ezzen suzzest
110v,11 willechome himeliscez tranch
110v,12 suzze des ewigen libes din fleisk
110v,13 herre han ich enphangen
- 111r,1 in mich nu uerwandel mich an
111r,2 dich herre crist din lichname
111r,3 hailiger der belib in mir unde
111r,4 erwerue mir den waren antlaz .
111r,5 Ich han gaz . ich han getrunchen . ich bin
111r,6 sat . ich bin mit dem lichnamen enbizzen
111r,7 der an dem cruce erhangen
111r,8 was ich han getrunchen daz
111r,9 pluot daz uz cristes siten floz . Ich
111r,10 sage dir lobe unde gnade herre
111r,11 daz du mich sundarinne gehaillet
111r,12 hast unde gerainet unde gesattet
111r,13 mit din selbes uerche unde bitte
- 111v,1 dich daz mich disiv wirtschafft
111v,2 erlose uon disses libes angesten
111v,3 unde uon deme ewigen tode unde
111v,4 brinch mich zu den die da sten

111v,5 sulen ze diner zesewen an der iungisten
111v,6 urtaile da wir alle gehen
111v,7 sul uor dir ubele unde guote da
111v,8 wirt den ubelen ertaillet swebel
111v,9 unde vuir da gibes te herre den
111v,10 saligen dich selben ze lone . du wirst
111v,11 selbe ir leben an dich wirt uerwantelet
111v,12 ire herce unde ir sin
111v,13 da menent sich auer die sele und

112r,1 daz fleisk daz tuot des ewigen gotes
112r,2 gaist der machet luter und
112r,3 rain si ne wizzent noch ne minnent
112r,4 niut wane dich aine . mit dir ist
112r,5 evullet diu sele unde der lichnamen
112r,6 so wirt daz fleisk deme geist
112r,7 gehorsam herre got so gedench min
112r,8 durch ere dines fleiskes und dines
112r,9 bluotes dem ich hivte gemaint
112r,10 han so uerwandle mich in daz
112r,11 ewige leben daz du iemmermer
112r,12 in mir belibest und ich in dir . du
112r,13 bist selbe der ewige lip mit dineme

112v,1 hailigen gaiste verwandle mich
112v,2 vil armez wip daz ich vrolichen
112v,3 muoze gen an die himelischen ierusalem-
112v,4 und mit den erwelten immer
112v,5 leben in den gnaden da ich
112v,6 dich ewichlichen sehe AMEN